

GrønlandsBANKEN-imi akissarsisitsisarnermut politikki

GrønlandsBANKEN-ip akissarsisitsisarnermut politikianut ilaapput siulersuisut, qullersat aamma atorfillit, suliai aningaaseriviup isumannaas-susaanut annertuumik sunniuteqartut (annertuumik aarlerinaateqartunik akuersisartut), kiisalu GrønlandsBANKEN-imi aningaaserivimmi ator-fillit allat.

Akissarsisitsisarnermut politikkimik siunertaavoq GrønlandsBANKEN-imi peqqinnartumik sunniuteqarluartumillu aarlerinaatinik aqutsiniss-aq, kiisalu aningaaserivimmi aktiaatilinnut siunissaq ungasissoq eqqarsaatigalugu naliusumik pilersitseqaatanissaq. Akissarsisitsisarnermut politikkip peqqinnartumik sunniuteqarluartumillu aarlerinaatinik aqutsineq siuarsarpaa, aarlerinaatinik annertuallaanik tigusinnginnissamut kajumissaarutiniq pilersitsinnginnikkut kiisalu sullitanut aktiaatilinnullu akornutaasumik kiisalu aningaaseriviup siunissaq ungasinnerusoq eqqarsaatigalugu pisariaqartitaani anguniagaanilu, aningaaseriviup niuernermit ilusiliani periusissiamilu nassuiarneqartutut illuinnaarsortumik aalajangiisannginnikkut.

Tamuma saniatigut akissarsisitsisarnermut politikkip aningaasersuinermit ingerlataqarneq pillugu inatsimmi § 77 a-d, ingerlatseqatigiiffiit pill-ugit inatsimmi §§ 139 aamma 139 a akissarsiaritit aamma akissarsisitsisarneq pillugu politikki pillugu nalunaarut nr. 257, 14. marts 2017-imee-rsoq aamma CRR pillugu peqqussut kiisalu Corporate Governance pillugu innersuussutit eqqortippai. Ilanngullugu GrønlandsBANKEN-imi akissarsisitsisarnernup Kalaallit Nunaanni naliigiissitaanermut aamma immikkooortitsinnginnissamut inatsit atuuttoq malissavaa, taamaasilluni aningaaseriviup qulakkiissallugu sulianut assigiipajaanut imaluunniit sulianut naleqqatigiinnut akissarsiat naliigii.

Ilanngullugu aningaaseriviup akissarsisitsisarnernata ataatsimoorussamik isumaqatigiissutigineqartut malissavai. Tamuma saniatigut Kalaallit Nunaanni aningaasersuinermit ingerlataqarfinni akissarsisitsisarnernit pillugit paasisutissiinnissamut pisussaataaafiit atuuttut aamma Kalaallit Nunaanni ingerlatseqatigiiffiit pillugit inatsit atuuttoq malinneqarput. Akissarsisitsisarnermut politikki malinneqassapput sullitanik aamma aningaasaliisunik illersuineq pillugu inatsitigut piumasaqaatit kiisalu inatsisip sinnera. GrønlandsBANKEN-ip qulakkiissavaa akissarsiaritit aalajangersarneqarnerat aamma nakkutigineqarnerat, matuma ataani akissarsisitsisarnermut politikkip eqqortinneqarnera, tamanna akissar-sisitsisarnermut atatillugu aporaattunik soqutigisaqarnernik pinngitsoortitseqaataassaaq.

Siunertaq pingaarneq

Akissarsisitsisarnermut politikki siunertat pingaarnerit tassaapput:

- sulisut aamma siulersuisuni ilaasortat aamma qullersat piukkunnartut kajungertissallugit, kajumissaassallugit paariinnassallugillu,
- aqutsisoqatigiit soqutigisaasa aamma ingerlatseqatigiiffiup aamma aktiaatillit soqutigisaasa akornanni naapertuunnissamik qulakkeerinninn-issaq, aamma
- ingerlatseqatigiiffimmi siunissaq ungasissoq eqqarsaatigalugu naleqalersitsinissamik siuarsaaqaatanissaq, taamaasillunilu ingerlatseqatigiif-fiup niuernermit periusissiaaniq tapersersuilluni.

Ajunngitsorsianut politikki ingerlatseqatigiiffiup niuernermit periusissiaanut aamma siunissaq ungasissoq eqqarsaatigalugu soqutigisaanut ta-perseeqataavoq. Akissarsititeriaaseq atorneqartoq, anguniakkanut ingerlatseqatigiiffiup periusissiaanut aamma politikkiinut siunnerfiilisunut, matuma ataani peqqinnartumik suliffeqarfimmi kultureqarnermut aamma attassisinnaanermi aarlerinaatinik ilanngussineq pillugu politikki-mut atatillugu naatsorsorneqartarpoq. Aningaaserivimmi sulisut sulinermit aamma akissarsiatigut atugaat isumaqatigiissutinik attuumassute-qartunik isumaqatigiissuteqarnikkut isumagineqartarput.

GrønlandsBANKEN-ip annerpaatigut aalajangersimasumik akissarsiaqartitsineq taamaallaat atortarpaa. Taamaattumik assersuutigalugu piuju-artitsinermit anguniakkanik imaluunniit suleriaatsinik malinninneq akissarsiaqarnermut toqqaannartumik sunniuteqarneq ajorput. Siulersuisut taarsiullugu niuernermit ilusiliani piujuartitsineq annertuumik ukkataaraa. Taamaattumik akissarsisitsisarneq aalajangersarneqarpoq niuernermit ilusiliaq naapertorlugu aningaaseriviup periusissiaminik anguniakkaminillu piviusunnortitsinissaa qulakkeerniarlugu, aningaaseriviup tunng-aviusumik pingaartitai aamma kultura ataqqiniarlugit kiisalu piujuartitsineq aamma peqqinnartumik suliffeqarfimmi kultureqarnissaq pillugu politikki eqqarsaatigalugit.

Siulersuisut

Siulersuisunut allanngorartunik akissarsianik tunniussisoqarneq ajorpoq, akissarsianik, aktiaatinik, qinigassanik imaluunniit soraarnerussuti-siaqalernissamut tapiissutinik. Siulersuisunut ilaasortat aalajangersimasumik akissarsisarput, taakkunanik siulersuisut siulittaasuat akissarsiat marloriaataannik tigusarluni kiisalu siulittaasup tullia 1½-imik annertunerusumik tigusarluni. Siulersuisunut ilaasortat immikkut tamarmik akissarsiaasa annertussusaat ukiumoortumik nalunaarummi takuneqarsinnaapput. Ataatsimiititaliani peqataanernut ataatsimiititalianut ilaasortat aamma aalajangersimasumik akissarsiaqarput. Aarlerinaatinut ataatsimiititaliami aamma kukkunersuinermit ataatsimiititaliami peqataanernut ataatsimiititaliami siulittaasooq marloriaammik akissarsisarpoq kiisalu siulittaasup tullia 1½-imik annertunerusumik akissars-i-sarpoq. Siulersuisunut ilaasortat ataatsimeersuarnermit toqqarneqarsimasut ukiut marlukkaarlugit qinerneqartarput, siulersuisunullu ilaasortat sulisunit toqqarneqarsimasut ukiut sisamakkaarlugit qinerneqartarput.

Qullersaqarfik

Qullersat isumaqatigiissut malillugu aalajangersimasumik isumaqatigiissutigineqartumik akissarsiaqarput aamma soraarnerussutisiassanik tigusisarlutik, ukiumoortumik akiliunneqarlutik feeriararlutik, akeqanngitsumik biileqartitaallutik, oqarasuaateqarlutik interneteqarlutillu. Qullersat atorfeqarnerminni qanoq ittunilluunniit allangorartunik akissarsiaqarneq ajorput. Qullersat soraarnerussutisiassaas procenti aalajangersimasuuvoq aalajangersimasumik akissarsiat 24%-eralugu, tassunga ilanngunneqassapput ataani nassuiarneqartut soraarnermi/soraarnerussutisiassanut aaqqiissutit akiliutinik tunngaveqartut. Soraarnerussutisianut pisussaaffiit tunniunneqartut aamma immikkoortinneqartut katillugit ukiumoortumik nalunaarummi takuneqarsinnaapput. Qullersat sivisunerpaamik atorfeqartinneqarsinnaapput ukiumi Qullersat 62-inik ukioqalerfiani ukiup naanerata tungaanut.

Pisortaq siulersuisut isumaqatigiissuteqarfiginikuuat soraarnermi/soraarnerussutisiassanut aaqqiissutit akiliutinik tunngaveqartut pillugit, taakku soraarnermi tunniussassanngortinneqarlutillu tunniunneqassapput. Allangorartumik akissarsisitsisarnermik atorneqartumik anguniarneqarpoq qullersat paariinnarneqarnissaasa kiisalu ingerlatseqatigiiffiup aalaakkaasuunissaanik siunissarlu ungasinnerusoq eqqarsaatigalugu soqutigisaanik nakkutigininnissaannut kajumissaarnissaasa qulakkeernissaat. Soraarnermi/soraarnerussutisiassanut aaqqiissutit akiliutinik tunngaveqartunik katersinermutaamma tunniussinermut pisinnaatitaaffimmut piumasaqaataapput, pisortappiffissani aalajangersimasuni atorfeqaannarnera kiisalu aningaaseriviup pingaarnertut angusai aningaaserivinnut angeqqatipajaanut sanilliullugit ingerlaavartumik aningaasaatit uuttuutigaligit tunngavigineqarlutik. Soraarnermi/soraarnerussutisiassanut aaqqiissutit akiliutinik tunngaveqartut 50 pct.-ii aktiaapput 50 pct.-iilu aningaasallutik, qaammatinilu 0-24-ni akissarsiat annertussusaattut annertussuseqarsinnaallutik. Matuma saniatigut soraarsitsinermi akissarsiat ilanngunneqassapput. Aaqqiissummi immikkut piumasaqaammik claw back-imik ilanngussaqrpoq. Naatsorsuutitigut maannakkorpiaq ukiumut akissarsiat ataatsimut 8%-iat aaqqiissummut illuartinneqartarput.

Soraarsitsinissamut siumoortumik ilisimatitsineq aningaaseriviup aamma qullersat tungaanit qaammatit 12-iupput, pisut immikkut ittut eqqarsaatiginagit ass. isumaqatigiissummik paarsinerlunnermi. Pisut change of control-it ilaannut atatillugu qullersat soraarsinneqartut isiginissaa toqqarsinnaavaat.

Qullersaqarfimmi taartissamut atatillugu Qullersaqarfimmi ilaasortamik nutaamik isumaqatigiissuteqartoqarsinnaavoq qulaani atugarisassat sinaakkutaasut iluini.

Annertuumik aarlerinaateqartunik akuersisartut

GrønlandsBANKEN-imi anneetuumik aarlerinaateqartunik akuersisartut siulersuisunit, Kalaallit Nunaanni malittarisassat atuuttut tunngavigalugit ima nassuiarneqarput

- 1) suliffeqarfimmi immikkoortumi, aningaasaqarnikkut pigisanik niueruteqartartumi imaluunniit akuersissuteqartumi aqutsisut,
- 2) suliffeqarfimmi immikkoortumi, suliffeqarfiup nammineq aningaasaataanik aningaasaliisarfiusumi aqutsisut,
- 3) sulisut aningaasaqarnikkut pigisat aqutugalugit suliffeqarfik sinnerlugu suliffeqarfiup aningaasaataanik annertuumik aarlerinaatilinnik akuersinnaasut,
- 4) suliffeqarfimmi immikkoortumi, aarlerinaateqartunik akuersinermut killiusunik malinninnermik nakkutiginittumi aqutsisut, aamma
- 5) sulisut suliffeqarfimmut annertuumik aningaasaatini aarlerinaatinik pilersitsinnaasut.

Sulisut, suliai aningaaseriviup isumannaassusaanut annertuumik sunnuteqartut (annertuumik aarlerinaateqartunik akuersisartut), allangorartunik akissarsianik tigusineq ajorput, soorlu makkunanga aktianik, qinigassanik imaluunniit soraarnerussutisiaqarnissamut tapiissutinik.

Kisiannili annertuumik aarlerinaateqartunik akuersisartut allangorartumik akissarsiat tigusinnaapput aningaasanik bonusisianik ukiumut annerpaamik 100.000 kr.-iusunik. Tunniussinissamut piumasaqaataapput ukiup ingerlanerani sulinerup annertussusaanik naliliineq, immikkut ittumik annertuumik suliaqarsimaneq, immikkut ittumik iluarisimaarnartumik tunniussaqaarsimaneq kiisalu immikkut ittumik aqutsinermi tunniussaqaarsimaneq. Annertuumik aarlerinaateqartunik akuersisartunut aningaasanik bonusisariatit uuttorneqarsinnaasunik eqquutsitsinerit assersuutigalugu tuniniaanermi imaluunniit ingerlatsinermi inernerusunik naammassinninnermik tunngaveqarluni tunniunneqarneq ajorput, inernerusunullu attuumassuteqartak.

Annertuumik aarlerinaateqartunik akuersisartut soraarnermi ajunngitsorsiassat pillugit immikkut isumaqatigiissuteqarfigineqanngillat, illuatungeriinnilli tamanit soraarnissamut nalunaarneq qaammatinik marlunnik sivitsorneqarnikuuvoq. Annertuumik aarlerinaateqartunik akuersisartut soraarnerussutisiassaas ataatsimut isumaqatigiissutit sinaakkutaasa iluani inissisimapput.

Aningaaserivik periarfissaqrpoq annertuumik aarlerinaatinik akuersisartumut attassiinnarnissamut tapisiaqartitsinissaq pillugu isumaqatigiissuteqarnissamut. Akissarsisitsisarneq pillugu nalunaarummi ilisimatitsissutigineqassaaq qanoq annertutigisumik, attassiinnarnissamut tapisiaqartitsineq pillugu qanoq isumaqatigiissuteqartoqarsimanersoq.

Tunniussineq pissaq aningaasersuinnermik ingerlataqarneq pillugu inatsimmi § 77 a isigalugu aamma siulersuisut aalajangiinissaat sioqqullugu aningaaserivimmi akissarsisitsisarneq pillugu ataatsimiititaliamut saqqummiunneqassalluni, tapisiaqartitsinermut tunngaviusoq atugassarititaasullu nassuiaataannik imaqartumik; annertuumik aarlerinaatinik akuersisartumik pineqartumik attassiinnarnissaq sooq aalajangiisuusumik pingaaruteqarnersoq, kinguneqaatissat, pineqartup aningaaserivik qimassappagu, attassiinnarnissamut tapisiaqartitsinerup pisariaqassusaanik aamma naapertuilluarneranik naliliineq, aningaasat kiisalu pissutsit piffissamut tunngasat.

Sulisut allat

Tapisiat missiliugaasut

GrønlandsBANKEN tamakkiisumik nalilersuereernikkut tapisianik missiliugaasunik tunniussisinnavaq, tapisiallu taakku annerpaamik 100.000 kr.-inik amerlassuseqarsinnaapput. Ataatsimut aningaaserivimmi tapisianik missiliugaasunik tunniussisoqarsinnaavoq, aningaaseriviup ataatsimut akissarsiarititaasa 2%-iata tungaanut. Tunniussinissamut piumasagaataapput ukiup ingerlanerani sulinerup annertussusaanik naliliineq, immikkut ittumik annertuumik suliaqarsimaneq, immikkut ittumik iluarisimaarnartumik tunniussaqaqarsimaneq kiisalu immikkut ittumik aqutsinermi tunniussaqaqarsimaneq, tapisiallu uuttorneqarsinnaasunik eqquutsitsinerit assersuutigalugu tuniniaanermi imaluunniit ingerlatsinermi inernerusunik naammassinninnermik tunngaveqarluni tunniunneqarneq ajorput, inernerusunullu attuumassuteqaratik. Tapisiat missiliugaasut tamarmik "isit sisamat tunngavigalugit" aallaavigalugu tunniunneqassapput, tassani aqutsisoq qaninnerpaaq inassuteqassaaq kiisalu qullersaqarfiup tapisiat tunniunneqartut akuersissutigissavai.

Aningaaserivik periarfissaqarpoq aningaaserivimmi sulisut allat attatiinnarneqarnissaannut tapisiaqartitsinissaq pillugu isumaqatigiissuteqassalluni. Akissarsisitsisarneq pillugu nalunaarusiami attasiinnarnissamut tapisiaqartitsineq pillugu isumaqatigiissutit qanoq annertutiginersut.

Nakkutilliinermik suliaqartut

Nakkutilliinermik suliaqartut, inatsisinik malinninnissamut suliaqartoq ilanngullugu, inissisimaffimmi aalajangersimasut iluanni pitsaanerpaamik inernerusunik tunniussinissamut akissarsitinneqartarput, taamaasillutik tapisiat missiliugaasut sulisut kinaassusersiunnginnerat attuumassuteqannginnerallu kanngunarsassanngilaat. Tapisiat missiliugaasut tamarmik "isit sisamat tunngavigalugit" tunniunneqartarput, tassani aqutsisoq qaninnerpaaq aamma qullersat tapisiat tunniunneqartut innersuussutigalugulu akuersissutigisarpaat. Qullersaq aqutsisoq qaninneruppat, akissarsiaqartitsisarneq pillugu ataatsimiititaliami siulittaasup tapisiat tunniunneqartut akuersissutigissavai.

Ataatsimoorussamik tapisiaqartitsinermik aaqqiissut

GrønlandsBANKEN-imi sulisut sinnerinut tamanut ataatsimoorussamik kajumissaarummik aaqqiissummik pilersitsioqarnikuuvoq, tassani immikkoortut tulluuttut iluanni nalinginnaasumik anguniakkat kisitsisaat tunngavigalugit tunniussineq pisarpoq: Sulisut, Inuiaqatigiit, Sulissutiginninneq, Sullitat aamma Aningaasaqarneq. Ataatsimoorussamik bonusinik aaqqiissummut tunngaviuvoq aningaaseriviup siunissaq ungasissaq eqqarsaatigalugu anguniagaanik ataatsimut iliuuseqarnissamut aningaaseriviup sulisui katersornissai. Aaqqiissutit ataani aningaaseriviup ataatsimut akissarsiarititaasa annertunerpaamik 4%-ii tunniunneqarsinnaapput, sulisumullu ataatsimut 20.000 kr. sinnernagu. Aaqqiissut ukiumut ataasiarlugu qaqqinneqartarpoq. Akissarsisitsisarneq pillugu nalunaarummi aaqqiissutit ataani qanoq annertutigisumik tunniussisoqarsimanersoq allassimassaaq.

Qulaani allassimasunut atuuttunut atatillugu, aningaaseriviup sulisunik, qularnaveeqquserluni imaluunniit allamik pigisamik aalaakkaasumik qularnaveeqqusiilluni siunnersuisartunik kiisalu tunniussisartunik imaluunniit akuersissuteqartartunik akissarsisitsisarnermut, aalajangiisoqarpoq, aningaaseriviup isumannaassusaa qaangerlugu aarlerinaatinik akuersinissamut kajumissarissoqassanngitsoq. Tamatuma saniatigut akissarsisitsisinnermut ineqarnermut akiitsornernik imaluunniit tuniniaanermi anguniakkanut allanik qinnuteqaatinik akuersissuteqarnerup amerlassusai apeqqutaanngillat.

Akissarsiaqartitsisarneq pillugu ataatsimiititaliaq

GrønlandsBANKEN akissarsiaqartitsineq pillugu ataatsimiititaliamik pilersitsinikuuvoq, tassunga ilaasortaapput siulersuisuni siulittaasooq aamma siulittaasup tullia, kiisalu siulersuisunut ilaasortassatut sulisut toqqagaat.

Akissarsisitsisarneq pillugu ataatsimiititaliap ukiumoortumik siulersuisut aamma qullersat ajunngitsorsiai misissorlugillu nalilersortarpaat, ilaatigut sulinerup annertussusaa aamma aningaaseriviit assersuunneqarsinnaasut akissarsiai aallaavigalugit. Akissarsisitsisarneq pillugu ataatsimiititaliap nakkutigisarpaa annertuumik aarlerinaateqartunik akuersisartut akissarsiai akissarsisitsisarneq pillugu politikimik malinninnermut. Inatsisitigut piumasagaatit, niuernermi ilusiliap katitigaanera aamma aningaaserivimmi ineriartorneq tunngavigalugit, annertuumik aarlerinaateqartunik akuersisartunik allanik toqqaanissamut pisariaqartitsineq nalilernerqartarpoq.

Akissarsisitsisarneq pillugu ataatsimiititaliap qulakkiissavaa allanngorartumik akissarsiat tunninneqarneri siulersuisut malittarisassaat malissagaat, matuma ataani allanngorartumik akissarsianik allanik tunniussisoqassanngitsoq, akissarsisitsisarneq pillugu politikimi positiviusumik allassimanngitsunik. Peqatigitillugu akissarsisitsisarneq pillugu ataatsimiititaliap qulakkiissavaa, aningaaseriviup akissarsisitsisariaasaa aningaaseriviup sulisullu ataasiakkaat soqutigisaanni akerliinermik nassataqassanngitsoq. Tapisiat tunniunneqartut annerpaat, matuma ataani annertuumik aarlerinaateqartunik akuersisartunut tapisiat, akissarsisitsisarneq pillugu ataatsimiititaliamut saqqummiunneqartarput.

Akuersineq, akissarsisitsisarneq pillugu politikkimik ukiumoortumik misissuineq aamma saqqummiussineq

Akissarsisitsisarneq pillugu ataatsimiititaliap ukiumoortumik akissarsisitsisarneq pillugu politikki misissortarpaa, kiisalu akissarsisitsisarneq pillugu politikkimi atuuttumi allannguutaasinnaasunik siulersuisunut akuersissutigineqartussanngorlugit inassuteqartarluni.

Siulersuisut tamatuma saniatigut akissarsisitsisarneq pillugu politikki ukiumut ataasiarlutik misissortassavaat, akissarsisitsisarneq pillugu politikkip aningaaseriviup ineriartorneranut tulluussagassaanersoq siunertaralugu.

Akissarsisitsisarneq pillugu politikkimi allannguutit annertuut siulersuisuni akuerineqareerpata ataatsimeersuarnermi akuersissutigineqartussat saqqummiunneqassapput, minnerpaamillu ukiut sisamakkaarlugit akissarsisitsisarneq pillugu politikki ataatsimeersuarnermi akuersissutigineqartussat saqqummiunneqartassaaq.

Akissarsisitsisarneq pillugu politikki aningaaseriviup nittartagaani saqqummiunneqassaaq.

Akissarsisitsisarneq pillugu politikkimik malinninneq kiisalu malinneqarneranik nakkutiginninneq

GrønlandsBANKEN-ip siulersuisuisa akissarsisitsisarneq pillugu politikkip naammassineqarnissaa akisussaaffigaat.

GrønlandsBANKEN-ip siulersuisui akissarsisitsisarneq pillugu politikkip malinneqarneranik nakkutiginninnermut najoqqutassanik sukumiinerusunik aalajangersaasarpog, ilaatigut akissarsisitsisarneq pillugu politikkip malinneqarnera pillugu minnerpaamik ukiumut ataasiarluni nakkutilliarnissamik qulakkeerinittumik. Tamatuminnga inernerusoq siulersuisunut nalunaarutigineqassaaq.

Nuuk, ulloq 17. februar 2025

Akissarsisitsisarneq pillugu ataatsimiititaliaq

Gunnar í Liða

Siulittaasoq

Kristian Lennert

Siulittaasup tullia

Peter F. Rex

Siulersuisunut ilaasortaq

Ajunngitsorsianut politikki Kalaallit Nunaanni malittarisassat atuuttut naapertorlugit suliarineqarpoq. Ajunngitsorsianut politikki ataatsimeersuarnermi 26.03.2025-mi ingerlanneqartumi suliarineqarlunilu akuersissutigineqarpoq. Taasititsineri 1.165.411-t aktiat taasinermi atuuttut tunniunneqarput aktiaatini 64,75%-iusut. Taasinerni atuuttuni taasinerit 1.160.557-t akissarsianut politikkimut isumaqataapput, taasinerit 4.854-t akerliullutik.

